

Arubaanse Courant

Dia Huebe 23 di Februari 1967

No. 8096

P.P.A. TA PIDI MESUN SALARIO PA MAESTRONAN YIU DI TERA CU ESNAN DI AFOR

ORANJESTAD - Un biaha mas, Partido Patriotico Arubano a sali na defensa di un causa, cual e ta considera injustifica pa esnan cu ta envolvi den dje. E biaha aki e fraccion di PPA a sali na vanguardia di e maestronan di scool cu a hanja nan educacion aki na Aruba y cu, a pesar cu nan ta igual cu e maestronan cu ta bini di Hulanda, tog nan ta ricibi un salario inferior na esnan cu ta ser importa.

Pa e motibo aki e fraccion di PPA a dicidi na yama un reunion di Eilandsraad y den cual nan lo presenta na Bestuurscollege un mocion pa e Colegio aki haci tur su empenjo pa e maestronan yiu di tera hanja e mesun salario cu esnan importa. E reunion publico aki a ser pidi pa e miembronan di PPA den Eilandsraad, srs. E.R. Finck y Jose Geerman y srs. Dominico Flemming di Accion Democratico. Den un di e dianan aki, e reunion publico lo tuma lugar.

MOCION

E mocion cu e fraccion di PPA lo entrega na Bestuurscollege riba dia di e reunion, ta bisa lo siguiente.

"Eilandsraad di territorio insular Aruba, reuni awe den reunion publico,

considerando:

1. Cu desde anjanan cabata existi un diferencia entre e salario di maestronan di scool importa y e salario di e maestronan cu a ser tuma na Aruba;

2. Cu e diferencia menciona ta sinta den cu e maestronan cu a ser tuma na Aruba y kendenan ta den servicio di e territorio insular, ta obtene nan "hoofdakte" y no ta hanja nan anjanan di servicio conta den e salario pa hoofdakte, mientras cu e ultimo aki si ta e caso cu e maestronan cu ta ser importa;

3. Cu e mencionado diferencia den e salarionan ta injustifica y cu razon ta crea malcontento;

ta dicidi:

Pa suplica Bestuurscollege di Aruba pa tuma tur medidanan pa haci cu e salarionan di e maestronan cu a ser tuma na Aruba y kendenan ta bin en consideracion pa esaki, lo worde poni igual na e salarionan di e maestronan cu ta bini di afor y pa haci esaki cu forza retroactivo te 1 januari 1967.

Ta sigur cu e fraccion di PPA, cu semper tin un wowo habri pa mira na unda injusticia ta ser cometi, lo vota na favor di e mocion aki y asina haci cu e maestronan local lo hanja e trato cu nan merece.

Madrid ta awor den un situacion critica

MADRID--UPI--Segun noticianan cu a ser ricibi di viajeronan cu ta bini for Madrid ta muntra cu e pais aki ta actualmente den un di su situacionnan di mas critica cu motibu dje manifestacionnan estudiantil i e mes informacionnan aqui ta muntra cu autoridadnan dje pais aki ta haci tur nan esfuerso pa domina e situacion y cu braza fuerte nan ta obliga e manifestantenan di respecta ley i tranquilidad publica.

Fuera di e situacion precaria cu a ser crea na Tornode, na cual ocasion cuater estudiante a ser deteni pasobra nan a ser acusa di a distribui propaganda antigubernamental, ta parece como si fuera un calma tensa ta persisti den e restante sectornan estudiantil y obreronan, e promenan deseoso di mayor libertad sindical y e segundonan dje salarionan mas altu of miho condicionnan di trabao.

Entretanto e agencia noticiosa Nacional Cifra, cual informacion ta reflejá generalmente e senti-

mientonan di gobierno, a culpa CIA directamente pa e agitacion estudiantil, recordando e reciente expulsion dje estudiantenan estranjeru cu tabata tene reunionnan prohibi.

Ta trata dje norteamericano Frederick Berger, dje Federacion Internacional di Estudiantes y dje Suizo Wilhelm Rutz, miembro dje Rama Helvetica dje mes entidad, na quendenan a ser ordena di bandona Spanja, despues cu nan a asisti na un reunion estudiantil den monasterio di Sarria.

E dos stranjeronan aqui a queda cerra den e monasterio aqui durante tres dia, huntu cu 30 intelectual Spanjo afin di apoya demandanan na favor di Libertad Sindical Universitaria.

Presencia dje stranjeronan aqui clandestinamente den e pais aki na Maart di anja pasa, ta haci awor tambe e autoridadnan carga sospecho cu awor trobe e mes individuronan aqui lo ta trata pa trece desunion den e pais y trata di pone estudiantenan rebelá contra autoridad dje pais,

SUKARNO A BAHHA

YAKARTA--UPI--Presidente Sukarno a bandona e lucha largu qu el a bini ta hiba pa keda na poder y el a entrega autoridad ehecutivo na general Suharto.



SUKARNO

E minister di Informacion, B.H. Diah, a lesa e capitulacion oficial di Sukarno pa periodistanan. Den dje, Sukarno ta bisa qu el a dicidi di entrega presidencia di e pais "ora qu el a compronde e actual conflicto".

E posicion di presidente Sukarno a bini ta debilita for di despues di e golpi comunista fracasá di dia promer di october 1965.

Durante hopi luna Sukarno no tabata nada mas sino un figura decorativa den gobierno, den cual e poder real tabata ser eherce door di general Suharto como hefe di un triunvirato.

Den su renuncia presidente Sukarno ta bisa qu e ta compronde qu e actual conflicto mester ser resolve na interes di pueblo, e nacion y estado.

E posicion oficial di Sukarno a cuminsa sufrir seriamente, inmediatamente despues qu e golpi di estado a fracasa.

Na principio di aña pasá e presidente mester a entrega su mayor podernan den man di general Suharto, quende a encabeza e triunvirato y den cual e actual minister di Relacionnan Exterior, Adam Malik, tambe ta hunga un papel importante.

Malik a anuncia dialuna qu no tin posibilidad di yuda Sukarno pasobra pueblo sa loque a sosode pa loque ta e irregularidadnan den campo economico, moral y politico.

Egobierno di Suharto ya pa varios siman caba tabatin qu enfrenta e dilema di determina e futuro di Sukarno, quende te ainda tin considerable apoyo popular na Indonesia.

Diferente informacion no confirma a señala qu Sukarno lo ser someté na un proceso pa su supuesto participacion den e golpi comunista fracasá na 1965 y otro irregularidadnan.

Durante ultimo dianan tabatin diferente reunion na cual tantu e presidente como altohefenan militar a asisti, a fin di convence e presidente pa renuncia.

Sinembargo el a resisti te na ultimo momento, y ta ser calcula qu Adam Malik a menciona qu Sukarno lo ser procesá, tabata mas bien pa pone presion riba y como amenaza pa logra

TOKIO -- UPI -- China Comunista a afirma cu dos avion norteamericano a ametralla dos dje barcanan di piscado den golf di Tonkin, matando un tripulante y heridando dos otro.

Un transmision di agencia periodistica Nueva China ta bisa cu e ataque ei a ser registra Dia Luna u.p., poco despues cu otro 20 aparatonan Norteamericano a bula riba zona occidental dje isla Hainan, no leu for di caminda nan a registra e ataque contra e piscadonan.

Luego como 31 otro avion a bula trobe riba territorio Chino den e mes zona parti di atardi.

pa Sukarno baha como presidente.

E anuncio di minister Diha, sinembargo no ta completamente claro en vista di e significacion di e decision presidencial pasobra nan ta bisa qu el a cede e autoridad ehecutiva na Suharto, sin menciona expresamente e retiro total di presidente Sukarno.

BEBE.



Nunca E ta Varia

FATUM

Pa tur bo asegurado
Tel. 1845

BATMAN

CAMPAÑA

SPAAR ETIKETANAN DI LIBBY'S Y CAMBIA NAN PA:

BATMAN T-SHIRTS	90	.50
BATMAN NIGHT LIGHT	300	2.50
BATMAN CAPE	190	1.00
BATMAN HATS	50	.50
BATMAN PENNANTS	50	.50
BATMAN EMBROIDERED PICTURES	70	.50
BATMAN BATORANO LAUNCHER	60	.25
BATMAN BATSCOPE GUN	60	.25
BATMAN SWEAT SHIRTS	200	1.00
BATMAN BULLHORN Y HOPI MAS		

SEA PISCA OF CARNI CU LIBBY'S SEMPER BO TA BINI CLA.

N.V. WINKEL'S HANDEL MAATSCHAPPIJ.
ORANJESTAD
Tel. Nos. - 1431 - 2397

SAN NICOLAS
Tel. No. - 5150

Rotary International ta celebra su di sesenta i dos aniversario

ORANJESTAD - Dia 23 di februario, 1905 cuatro amigo a uni den kantoor di Gus Loehr na Chicago, Illinois, pa discuti e formacion di un club di servicio y fraternidad. E bon idea aki a bini di Paul P. Harris. E club a worde jama "Rotary", pa e costumber di cambia lugar di reuni cada siman.

Poco e cuatro hombernan aki por a pensa cu for di un cuminsamento asina modesto, Rotary lo progresa den un fundacion rotario, clubnan pa mucha-hombernan hoben, lo ehecuta un cantidad

di servicio ariba nivelnan vocacional y pa comunidad imposibel pa conta, y cu e lo cubri mundo hentero.

Awe, 62 anja mas laat, e idea aki a crece den un organisacion mundial cumas cu 600,000 miembro. Mas cu 12,500 club di rotario a worde funda den mas cu 130 nacion. Y su fin no ta basta ainda. Desde e ultimo aniversario di Rotary, un averahe di un club nobo pa dia a worde funda.

Barbados, cu a bira un nacion independiente na november 1965, ta ultimo ariba lista mundial di

clubnan di servicio di Rotary. Rotary ta activo na Aruba desde december 1938.

Cu pensamiento pa judansa na otroan constituyendo nan ideanan di servicio, Rotary ta ofrece un manera practico pa aumenta amistad, participa den esfuerzonan pa mehora comunidad, inspira normanan haltu den negoshi y bida profesional y tadelanta comprendimiento internacional, bueno boluntad y paz. Su miembronan ta representativo di e bida industrial y profesional di henter e comunidad.

ALEGRIA PA FAMILIA MARGARETHA

CURA CABAI - Ajera mainta dies'or a jega for di Hulanda via Corsow, e encantadora Glenda Margaretha, jiu di e distinguida familia Margaretha di Cura Cabai 60. Glenda ta un joven damita poseedora di dos diploma pa verpleging. Durante di su siete anjanan di estudio na Hulanda, Glenda a obtene primeramente su diploma A. y despues di esaki ela dicidi di studia un poco mas pa alcanza su diploma B, cu ta abarca ramonan pa cuida di patientnan cu ta sufrir di enfermedadnan mental. Na

Hulanda Glenda a studia na Vlaardingen y Amsterdam. E damita aki no tabata kier pa traha un historia largu di su regreso, pero nos ta hanja cu ta mas cu justificable cu nos pone na conocemento di nos lectornan cu otro jiu di terra a alcanza su meta studiando na Hulanda. Por el momento Glenda lo ta trahando na Aruba, pero e no a finalisa su plannan ainda. Ta di spera cu lo e keda Aruba, di manera cu nos lo por tin mas jiu di terra ocupando tan importante puestonan, aki na Aruba.

HECTOR VACCARI TA DESMENTI PELEA PA TITULO

TOKYO -- UPI -- Hector Vaccari, manager di e campeon mundial di peso mosca Horacio Acavallo di Argentina, categoricamente a desmenti e rumor di cu el a duna di conoce cu su pupilo lo defende su titulo na fin di mei contra e hapones Kiyoshi Tanabe na Tokio. Tanabe, segundo den ranking mundial, di Asociacion Mundial di Boxeo, a derrota e campeon mundial pa knockout tecnico den e sexto round di e pelea cu mester a worde suspende riba orden di referee, debi na un lesion cu e campeon a sufrir na su frenta, cual a bini door di cu e dos rivalnan a dal nan cabes den otro.

E pelea a causa gran interes aunke e titulo no tabata den wegá pero den e contract tabatin prescribi cu si Tanabe triunfa, lo e hanja e oportunidad pa bringa pa e titulo contra Acavallo.

Vaccari a critica e referee Hiroyuki Tezaki energicamente bisando cu e mester adverti y castiga Tanabe, pa motibu di a golpear e campeon cu cabes den varios ocasion. Prensa Hapones ta bisa cu Vaccari tabatin un reunion cu Fumiaki Okumura, gerente di e club di boxeo di Tanabe y cu e promotor di Los Angeles George Parnassus den e hotel Imperial di Tokyo y cu nan a yega na un decision al respecto na e pelea pa e titulo entre Acavallo y Tanabe.

"Mi no a tene e reunion aki cu Parnassus y Okumura - Vaccari a manifesta -- lo no tin pelea pa e titulo na Tokyo y tal vez tampoco na Buenos Aires".

E manager di Acavallo a bisa cu awe seis'or di mainta lo e sali cu destino pa Kobe, den e region central di Japon, pa bishita un amigo di e consulado argentino na e ciudad ey.

SALAZAR A GANA GARCIA

LAS VEGAS -- Nevada -- UPI -- Antayera nochí Jorge Salazar a vence Jose Garcia pa decision unanime den un pelea di dies round cu el a disputa den salon di baile Silver Slipper.

Salazar, veterano zurdo, cu ya tin mas cu dies anja ta box a domina su adversario ampliamente. Garcia tin solamente un anja cu el a drenta ring di profesionalismo. Garcia a bai bek den su skina tur tambalea despues cu nan a bati bel pa termina prome y octavo round.

DE VEERTHEATER

air conditioned
ta presenta awe nochí,
23 feb. 67

"NOTHING BUT THE BEST"
cu Alan Bates & Harry Andrews.
f. 1.50 - 18 aña

Acto charitativo

ORANJESTAD - Dia prome di maart proximo pa och'or di anochi lo tin wega di kaart den Club Caribe, na beneficio di "Alida Lampe Fonds" (miembro di Consejo Arubano pa Obranan Charitativo (ARCA). Prijs pa entrada ta dos florin pa persona. Tin dos "door prize" pa e ocasion aki, dos pasashi ida y vuelta pa Corsow ofreci pa ALM. Esnan cu asisti na e anochi aki sin tuma parti na e wegan di kaart tambe tin e oportunidad di gana un di e premionan aki. Participantenan por duna nomber serca sra A.C. Dennert, Schubstraat 2, tel: 2697.

de Veen Zeppenfeldstraat, a dal un auto cu tabata staciona y esaki na su turno a corre bai dal esun cu tabata para su dilanti. E chauffeur di e auto cu a ocasiona e accidente a stop un ratu, pero despues di esaki ela sigui corre bai.

E chauffeur aki ta conoci serca polisnan pero te ainda no por hanjele. Si, nan a hanja e vehiculo staciona na su cas. E danjo material ta fls. 1575.-. Di tur manera e chauffeur lo hanja su castigo.

TATA TA KEHA JU

ORANJESTAD - Un tata di 63 anja di edad a duna keho na recherche cu su jiu homber di trinta anja a menasele cu un pida heru. Ora cu polisnan a jega Altovista, caminda e tata ta biba e jiu observando cu e caso ta bai birando serio cu asunto di polis, a saca un careda core limpi bai. Pero ta unda lo e por core bai cu polisnan lo no por hanjele?

Polisnan ademas diamars aparti 12 procesverbal duna seis asistencia y un persona a hanja un skwal serca polisnan.

BOTTER USA COMO ARMA

SAN NICOLAS - Un homber a presenta na warda di polis pa declara cu den anochi di dia 20 pa 21 un otro homber a cortele cu un botter.

E homber aki tabatin un herida na su man. Ela worde transporta pa hospital cu ambulans, pero observando cu e herida no tabata tantu serio e por a bai cas despues di asistencia medica.

DOS FAMILIA AMERICANO

bibá na Puerto Rico tin mester cada un di un

SIRVIENTA

pa haci trabou di cas. Nan mester tin referencia y experiencia.

Esun cu worde tumá lo haya su pasashi pagá. Manda carta pa P.O. Box 10816, Caparra Heights, Puerto Rico, 00922.

Stuurwiel a pega

ORANJESTAD - Diamars atardi binti pa cuater riba Lloyd G. Smith Boulevard a presenta un accidente di trafico entre dos auto di familia. E dama chauffeur di un di e vehiculonan aki a declara na polis cu su stuurwiel a keda pega net na altura di "Marine Sport Centrum," door di cual e auto a sigul corre completamente riba su man robes y a bai dal den e otro vehiculo. E danjo material ta fls 1600 Polisnan ta investigando e caso aki.

ACCIDENTE RIBA TERENO DI LAGO

SAN NICOLAS - Cumpliendo cu su labor diario riba tereno di Lago, diamars mainta cuatro pa diezun, un caballero cu ta traha pa e firma Mc Kee a sufrir un accidente. E caballero aki tabata traha cu un "grinding machine" y na un dado momento un parti di e machine aki a dal e den su cara, door di cual ela sufrir un herida.

Dokter mester a usa tres gancho pa sera e herida aki. E caballero a hanja algun dia pa e keda cas sosega.

TRES AUTO DEN UN ACCIDENTE

SAN NICOLAS - Pa cinc'or y diez diamars atardi un auto di familia corriendo den B. van

MANDARIN Restaurant & Bar

located in one of Aruba's oldest colonial homes

Chinese & International DISHES

well stocked Bar.

Courteous Service - Cozy Atmosphere
Wilhelminastraat 8 - Tel. 1008
We're open from 11.00 a.m. till 12.00 p.m.

WOUTER R. VAN ROMONDT

pa medio di esaki ta invita bo pa asisti na e apertura di e exposicion di su obra, diabierna 24 di Februari 1967 pa 7.30 or p.m. den Centro Cultural Aruba.

Sr. J.H. Beaujon, presidente di C.C.A. lo habri e exposicion. E lo ta habri te dia 6 di Maart di 5-8' or di anochi.



Esaki ta Jose Suarez, asesino di su casa y cinco yiuonan dia qu nan a arrestele aña pasá. Un hues a declara qu ora e mirele, su stoma ta boltu y e ta hafia asco. - UPI Radiophoto -.

Bishita di Miss Curacao na Puerto Rico ta un gran exito

WILLEMSTAD- E bishita di Miss Curacao 1966, señorita Elizabeth Sanchez na Puerto Rico, en relacion cu celebracion di Carnaval na e pais Borriqueño, tabata ta un exito completo.

Tantu, e como su señora mama, a hospeda den e Hotel nobo Howard Johnson que recientemente a ser inaugurada, y caminda el yega practicamente sin reservacion, pasobra debido na e incertidumbre qu si e lo bini ofo, y ki dia lo e yega, nan no por a hasi e reservacionnan debido den e hotelnan qu e dianan aki ta completamente yen na San Juan.

Una bes den e hotel, e tabata ser considera como un reina entre e empleadonan, di cualnan tabatin algun Hulandes, mientras qu e gerente y e otro huespednan den e hotel a gusta e representante di Corsow masha tantu.

E promer actividad oficial na cual Miss Curacao a asisti, tabata e coctel qu a ser ofrece pa e Reina di Carnaval di San Juan, señorita Camille Carrion, y qu tabata exclusivamente pa invitadonan di honor.

E siguiente anochi el a ser ricibi cu flor door di e Honorable Alcaldesa di capital di Puerto Rico, señora Felisa Rincon de Gautier.

Esaki, na su turno, a presenta Nena Sanchez riba balcon di e Casa Alcaldia, qu ta keda na Plaza de Armas, den San Juan Antiguo.

E aplauso tabata enorme. Hopi hende entre e gran publico a cuminsa grita "Que viva Miss Curacao 1" E mesun anochi e tabatin celebracion di entrada di Rey Momo, simbolo di Carnaval.

E siguiente anochi miss Curacao tabata invitado di honor na e coctel qu Hotel Condado Beach a ofrece na e Reina di Carnaval

Na e coctel aki nan a invita tur e huespednan di hotel y el a tuma lugar den Salon El Fauno.

Aya nan a obsequia nancupava tipica puertorriqueña y un botter di rom di e pais, perota solamente dos persona a haña esaki: e Reina di Carnaval y Miss Curacao 1966.

Nena Sanchez a dirigi palabra na e publico den cuater idioma, ya qu entre e huespednan di e hotel tabatin Hulandes, frances, canadiense, norteamericano, puertorriqueño y otro nacionalidadnan.

Nena Sanchez a horta e show y despues e mester a pasa di mesa en mesa, charlando cu hopi di e personanan presente.

E siguiente anochi tabatin e Gran Desfile di Reina.

Mas qu 150 señorita, luhosa - mente bisti y escolta, a desfilar pasando un ruta largu, for di La Fortaleza, qu ta e mansion oficial di Gobernador, te na Capitolio.

Miss Curacao a cana na di siete lugar, qu ta un detaye masha

importante ya qu na momento di su paso ainda e publico no tabata cansá di tantu para mira e desfile.

Miss Curacao tabatin un cinta qu letternan grandi scirbi riba dje, bon visible di un distancia, qu tabata identifiquele como Miss Curacao.

E cos aki ta representa un tremendo anuncio gratis pa Corsow, ya qu tabatin docenas di miles di personanan pará a lo largo di henter e ruta di desfile qu tabata cubri un milla.

Tras di Nena Sanchez, tabata sigiuele un agrupacion musical tipica qu tabata cantando riba son di ritmo "Que Viva Miss Curacao".

Ningun di e otro participante nan no tabatin e suerte aki.

Na e trono real, Miss Curacao tabatin un posicion privilegiada, qu a ser asigna na dje door di e periodista Miguel Angel Yumet, qu ta un di e periodistanan qu recientemente a bishita Corsow riba invitacion di gobierno, y quende ta director di e actividadnan di Carnaval.

Aparte di e relato di e representante di Infoplan na Puerto Rico, señor Miguel Salas Guerrero a manda un carta personal pa oficina di turismo, caminda e ta elogia e actitud y simpatia cu cual señorita Nena Sanchez ta moviendo y haciendo propaganda pa Corsow na Puerto Rico.

Scott y Barnes lo di Torneo Kiamesha hunga prome wega

KIAMESHA LAKE, New York, - UPI - Ronald Barnes, di Brasil y Gene Scott di New York, a ser eligi pa disputa e partido di inauguracion di e prome torneo anual internacional di tennis pa invitacion, cu lo ser disputa den Hotel Concord di Kiamesha Lake.

E encuentro di Barnes lo ta prome cu cuater otro partido individual y un doble.

Jose Arilla di Espanja lo enfrente Torben Ulrich di Dinamarca.

Despues di e wega ey, Thomas Koch di Brasil lo hunga contra Ron Holmberg di Dallas; Arthur Ashe di Estados Unidos lo enfrente Graham Stillwell di Gran Bretaña den un otro partido y den e ultimo singel Chuck McKinley lo enfrente ganador di e partido Artilla-Ulrich.

MOSCU -- UPI -- Gobierno di Pekin a prohibi, e ceremonianan anual di corona di flor riba e tumbanan di soldanan sovietico cu a muri na China, segun e agencia di "Tass" ta bisa.

Anteriormente e ceremonianan aki tabata ser realiza riba dia di ehercito y di Marina di Union Sovietica, cual e anja aki tabata Dia luebs ultimo na Pekin.

Agencia "Tass" a informa cu autoridadnan di China no a permiti tampoco pa diplomadonan bai pone coronan di flor riba tumbanan di soldanan sovietico e anja aki.

Segun "Tass" e soldanan y marinonan sovietico tabata mortonan di guerra contra Japon. Y monumentonan na recuerdo di e combatientenan aki bo ta mira na Yukon, Harbin, Shenyang, Puerto Arturo y Dalny.

VENTA DI CUADRO DI LEONARDO DA VINCI

E director di gabinete di e principado, Gustav Wilhelm, a confirma venta di e cuadro "Ginevra Dei Benci" cual hopi biaha ta ser yama e contrapartiti di Mona Lisa, pa un suma cu no a ser revelá. Pero fuentenan digno di credito a bisa cu e prijs lo ta en torno di seis million dollar cu ta e prijs di mas haltu cu nan a yega di hanja pa un cuadro hamas.

E panja ta midi 43 pa 37 centimeter y probablemente Da Vinci a pinte entre 1474 y 1480. Esaki ta e obra mas importante den e coleccion di arte di e prins. Na tur etin 1300 cuadro, entre cualnan 27 Rubens, 30 Van Dyck, tres Rembrandt, un Rafael y tambe telanan di Frans Hals, Ticiano, Tiepolo y Bruegel.

ghele. Hopi di e cuadro nan el a regalá caba na un fundacion cu el a crea anja pasa. Sin embargo Wilhelm, a splica cu e entrega no a tuma lugar ainda y cu e cuadro te ainda ta den su coleccion privá.

For di tempu cu segunda guerra mundial a caba, e Principe a hende como 30 cuadro di su coleccion priva. E tala di e Leonardo Da Vinci cu el a hende ta muestra Ginevra dei Benci, un hoben mucha muher Florentino di siglo 15. Promer cu esey el a hanja hopi oferta pa bendele. Colecionistanan manera Stavros Niarchos, Eugene Bernard y Norton Simon a yega di pidi pa compra e cuadro.

ASESINO MULTIPLE A SALI LIBER

NUEVA YORK--UPI--Ta haci menos cu un anja, pa ser mas exacta na April di anja 1966, un Puertoriqueno di 23 anja di edad, Jose Suarez, a reconose y confesa cu el a mata su esposa y su cinco yunan.

Cuarenta y nuebe dia despues hustamente dia 13 di Juni 1965, tribunal supremo di Estados Unidos a establece garantianan nobo pa protega derechonan constitucional di sospechosonan.

Den su fallo, e alto tribunal a establece enter un serie di requisito masha riguroso pa por a duna balar den e huicio penal di Jose Suarez.

Como resultado dje decision aqui, desde awe Jose Suarez ta un homber liber, caminando manera e ta desea libremente den cajan di e ciudad.

Loke a pasa Jose ta manera un nervio a drenté na un momento inesperá, un cos cu segun

huez por a pasa cu tur hende i na e momentu ei bo por haci cosnan cu nunca di bo bida bo a pensa na haci, pasobra ya bo no ta normal mas, sin embargo bo no ta loco tampoco.

Ta masha stranjo den tur casonan cu por a tuma lugar, pero toch ta berdad cu huez den tribunal supremo a duna libertad di tur persecucion na Jose Suarez, asesino di su muhe i su cinco yunan anja pasa.

Ademas e asesino aqui a hanja su libertad pa medio di un mocion dje fis. Mathan R. Schor, quende a admu. qu e unico prueba cu por a suministra ministerio publico, tabata confesion dje acusado.

"Den un semehante caso ni tribunal no por haci nada", asina Schor a bisa den un entrevista, agregando cu "definitivamente por spera otro casonan similar".

Cienmil botter pa test corriente den oceano

Un proyecto pa investiga corriente di Oceano lo tuma lugar e luna aki ora qu cientificonan a bordo di un bapor especial pa tal experimentonan, lo tira 2000 botter den laman pabau y parriba di e islanan Barlovento.

E experimento lo ser efectua for di e bapor "Undaunted" qu ta equipa como laboratorio biologico pa lamannan tropical.

Cada botter lo tin santu den dje huntu cu un kaarchi transparente color oranje cu un nota na Spanjo, Frances, Portugues e Ingles.

E nota ta pidi e persona(nan) qu haña e botter pa yena e detayenan di su hallazgo riba un postkaart certifica y manda esaki pa

TABL, qu ta Tropical Atlantic Biological Laboratory.

Na April y Mei nan lo tira 5000 botter mas den Caribe Occidental mientras qu for di otro bapornan experimental, bapornan mercante y avionnan nan lo tira diferente biaha mas durante e aña aki y otro aña.

Finalidad di e programa ta pa studia e patron di corriente na superficie di Atlantico tropical pa Norte Occidental.

Un aspecto hopi importante relaciona cu e experimento aki ta qu di e manera aki TABL kier descubri y desarrolla e lugarnan caminda eventualmente por tin provision di alimento den laman, especialmente Tuna.

"WOMAN'S CLUB MEET A FRIEND" A CELEBRA 2 ANJA DI EXISTENCIA

WILLEMSTAD -- Ayera "Woman's Club Meet A Friend" a celebra su segundo aña di existencia y mescos qu aña pasa, nan a tenue un recepcion na cas di un di e miembranan.

"Woman's Club meet a friend" ta asocia cu General Federation of Woman's Clubs di Merca y ta un organizacion pa muhernan casa y nan obhetivo ta pa engrandecenan conocimiento pa nan tarea casera, den e sentido mas amplio.

Un di nan principianan ta cuidando interesnan di nan cas como unidad social riba terreno economico y social.

Fomenta aprecio pa e trabao di ama di cas y fomenta e sentido di responsabilidad di muhernan como miembro di comunidad. Na principio di Maart e organizacion lo cuminsa cu un colecta pa nan traha nan propio clubhuis pa asina nan traha mas eficiente y realiza nan plan.

HOROSCOPO

ARIES (mar. 21 a abril 19) Usted puede progresar ahora si se une a una persona muy poderosa y podrá abrir nuevas avenidas de éxito. Gane sus anhelos, pero no ponga en peligro su seguridad.

TAURO (abril 20 a mayo 20) No sienta resentimiento hacia uno que tiene mucho control sobre usted. Lleve a cabo todo lo que se espera de una persona capaz como usted.

GEMINIS (mayo 21 a jun. 20) Usted tiene muchas amistades fascinantes de las cuales puede depender para que lo respalden. Alejese de uno que pretende ser su amigo, pues solo quiere aprovecharse de usted. Salga socialmente.

CANCER (jun. 21 a jul. 22) Evite todo lo que le pueda traer problemas y contratiempos y siga las ideas que le han brindado personas de fuste. Su juicio no es hoy muy atinado. No tome riesgos.

LEO (jul. 23 a agto. 22) Usted está indeciso entre ocuparse en nuevas empresas o seguir con las viejas. Sincronice su tiempo apropiadamente y podrá hacer algo de los dos. La noche le proporcionará mas tiempo para estudiar.

VIRGO (agto. 22 a sept. 22) Aunque tenga la tentación de ir a divertirse, cuando debía ocuparse de sus responsabilidades, es mejor que cumpla con ellas primero. Despues tendrá tiempo suficiente para diversiones.

LIBRA (sept. 23 a oct. 22) Evite a esa persona de fuste a quien le quiere hacer tantos favores, puesto que está de mal humor en estos momentos. Sea mas cooperativo con sus asociados. Haga amistad con la oposicion. Sea practico.

ESCORPION (oct. 23 a nov. 21) Cualquiera cosa que requiera un verdadero entusiasmo es magnifico, en estos momentos, pero no se aleje demasiado a lugares desconocidos. Busque alguna fuente nueva de investigacion.

SAGITARIO (nov. 22 a dic. 21) Si continua siendo tan impersonal se buscara problemas con sus seres queridos. Trate de ser mas amable. Adopte una actitud amistosa hacia todo el mundo. Sea menos extravagante.

CAPRICORNIO (dic. 22 a ene 19) Escuche las ideas magnificas de un pariente, que lo podrá ayudar mucho. No escuche lo que tiene que decir un asociado puesto que está celoso. Eche a un lado todo lo que no tenga valor para usted.

PISCIS (feb. 19 a mar. 20) Algun experto en negocios podría ser la persona que necesita para darle consejo adecuado en la manipulacion de sus problemas. Usted es basicamente un "perfeccionista". Haga esta la regla hoy.

ACUARIO (ene 20 a feb. 20) Use su propio juicio en vez de depender tanto de algun asociado que puede ser demasiado exigente hasta emocional. Tenga mucho cuidado cuando escriba cartas. No se demore mas.

PAGINA DEPORTIVA

PRESENTA

PA:



E diez ananan di Jackie Robinson na "Ebbetts Field" tabata esnan mas excitante den historia di Brooklyn

E tabata peligroso na base. E tabatin un espíritu apasionado durante cada partido. E tabata risca di haci cosnan cu otro jugadornan nunca lo a pensa na haci y practicamente e tabata horta carrera pa Dodgers. Su presencia so na base tabata bastante pa descontrola cualquier pitcher opositor. E tabata un tigre riba tereno y un leon na bate. E tabata haci e dosnan di mejor ora cu mas tabatin mester di esakinan. Tur esakinan a haci di Jackie Robinson, e homber cu a kibra e barera racial den baseball y a habri caminda pa tro jugadornan di color por hunga den grandes ligas. Robinson tabata e figura mas dinamica, e jugador mas pintoresco, tal vez e jugador mas completo cu Dodgers tabatin te cu awor.

E diez añanan cu Jackie Robinson a hunga na Ebbetts Field, tabata esnan mas emocionante den e historia di 68 aña di Dodgers di Brooklyn. Durante di e diez añanan aki e equipo a gana seis pennant y un campeonato mundial. Ta algu ironico, sin embargo cu Robinson a experimenta su momento mas grandi di gloria personal durante di un aña cual Dodgers a falla di gana e pennant, un aña durante cual Dodgers a perde un campeonato cu ya nan tabatin den nan man. E accionnan epica di Robinson a sosode den un wega jen di suspenso- e wega final di e campaña regular di 1951, y debi na esaki Dodgers a mantene nan mes den e pelea algun dia mas, prome cu nan mester a baha cabez ante Gigantes den un play-off di tres wega cual a culmina cu un tremendo home run di Bobby Thompson.

E principio di e fin pa Dodgers a cuminsa dia 12 di augustus ora cu Gigantes a cuminsa cu un racha di victoria y nan a sali for di 13 1/2 wega for di prome lugar y nan a gana 37 di e ultimo 44 weganu cu a keda nan durante di e temporada. Durante di siete siman tur hende tabata mira cu asombro e incredulidad con dia pa dia Gigantes tabata aserca mas y mas na e punteronan intrankil, Dodgers. Riba diabierna 28 di september dos dia prome cu e temporada a finalisa, Gigantes tabata na prome lugar huntu cu Dodgers mientras cu e ultimonan aki a perde cu Fillis.

Riba diadomingo 30 di september ainda tabatin un empate na prome lugar di Liga Nacional. Un multitud di 31,755 persona a jena Shibe Park pa presencia un di e ultimo weganu di Dodgers. Hopi hende a trece nan radio portatil. Nan tabata kler ta e promenan pa scucha e victoria di Gigantes na Boston, local lo zink Dodgers.

Nan a tende di e victoria di

Gigantes 3...2 prome cu Dodgers y Fillis tabata na mitad di e wega. E bochincha cu a resonar for di tribuna, a pone e jugadornan di Dodgers sinti manera cos cu ya nan tabata morto caba, y nan tabata perdi 6...1, como si fuera esey ta poco nan mejor pitcher Preacher Roe, mester a bai ducha.

Robinson, mescos cu su otro compañeronan, a falla miserablemente. Ela bati pa double play den di prome inning y den di cuarto ela poncha. Sin embargo Dodgers no a duna nan mes pa perdi. Den di sexto inning nan a hafa bida atrobe y nan a pone e score na 8...5 perdiendo solamente pa margen di tres carrera. Den di octavo inning e emergente Rube Walker a conecta un doblete larguisimo pa empuja dos carrera y Carl Furillo a conecta cencillo pa empuja e carrera di empate. E manager Charlie "Chiquitico" Dressen a manda e gran Don Newcombe riba monticulo den di octavo, y esaki a cuminsa un duelo cu Robin Roberts, e pitcher estrella di Fillis, durante di e tres inningnan siguientes. E wega ya tabata na altura di 12 inning. Obscuridad a cuminsa ta baha riba e tereno y tabata dificil pa sigui e trayectoria di e bala. E reglamentonan di e Liga tabata prohibi pa cende luz. Den e ultimo parti di 12 inning Filadelfia a jena base cu dos out. Un hit lo Dodgers pa gana e pennant y

Eddy Waitkus casi a conecta e hit aki. Waitkus a conecta un linea barbaro den direccion ki right-field. Robinson a sali manera un flecha y atravez di e oscuridad ela tira un cabez y ela filea e bala na algun pulgada for di suela. Poco hende a observa cu Robinson a captura e bala, prome cu e umpire Lon Warneke a hisa su braza drechi señalando out cu a salba e wega. Te hasta un telegrafista di Western Union kende a kere cu e bala a bai out-

field pa un hit, a manda e siguiente mensanxe telegrafico:

"Dodgers a perde. Gigantes a gana e pennant.

E atrapada sensacional aki a lesiona Robinson. Ela cai pisa riba su lomba y ela perde conocimiento. Su compañeronan di equipo a rondona nan brillante camarero mientras cu e tabata drumi abau na suela. Algun minuut despues Jackie a lanta poco poco tur tur di bai den dogout mientras cu e fanaticonan tabata aplaudiele ruidosamente.

Den di 13 inning Don Newcombe a bolbe hafa su mes den problema dunando dos base por bolas despues di dos out. Dressen a reemplasa Newcombe pa Clarence (Bud) Podbielan, kende a bira e di siete pitcher di Brooklyn. Bud a termina e inning sin problema.

Roberts mientras tanto tabata lansa mas efectivamente. Ela re tira Pee Wee Reese y Duke Snider, e prome bateadornan di e di 14 inning, cu flyout. Tabata parse manera cu e wega lo a termina den un empate. Roberts a pone e siguiente bateador Robinson, na un bola y un strike. Riba e siguiente lansamiento Jackie a swing cu alma y cuerpo y ela conecta un estacaso bestial y e bala a bai resulta den e standnan superior di left-field

pa acredita un dramático home-run y pone e wega na 9-8 na favor di Dodgers.

Tur e pelotonan di Dodgers a para na platon pa ricibi Robby ora cu ela crusa goma. Nan a bolbe na bida. Pero e wega no a caba ainda. Nan mester a saca tres out mas di Fillis y e turno tabata coresponde na e toleteronan numera dos tres y cuatro den e equipo. Richie Ashburn a habri cu sencillo, pero ela bai segunda riba sacrificio di Willie Jones. Del Ennis a pone Podbielan traha te ora cu ela jega na e conteo maximo y despues di esaki ela lanta un fly haitu pa Gil Hodges pa out numero dos. Waitkus a bini na bate atrobe. Lo e por a bati e bala caminda ningun hende no por a cohele e biana aki. Waitkus a swing y a conecta un fly pa Andy Pafko kende a captura facilmente.

Andy mescos cu su otro compañeronan inmediatamente a bai den vestuario, mientras cu cientos di fanaticonan tabata montona den standnan. E Presidente di Dodgers, Walter O'Malley, kende a alterna angustia y speranza durante di e wega, firmemente a primi man di Robinson.

E victoria di Dodgers tabata un alivio di ultimo minuut. Sin embargo, maske con bon pelotero Robinson tabata, toch e no por a evita cu Bobby Thompson a conecta un palaso formidable tres dia mas laat.

30 di september 1951.

BROOKLYN..... 001 130 000 1-9
FILADELFA.... 042 020 000 0-8
Pitcher ganador tabata Podbielan
Perdedor Roberts. E wega a dura cuatro ora y mei. Un total di 31, 755 fanatico a presencia e partido.

Goleada 5-1 Jong Aruba a duna Sportboys

(Di nos redactor deportivo)

ORANJESTAD - E speranza nan di Jong Aruba pa keda den e clase mayor di nos futbol local a haja mas bida cu e triunfo grandi logra diamars anochi ariba e equipo di Sportboys den loke pa ambos tabata e ultimo wega di e temporada regular. E dos puntonan logra cu e victoria aki ta hisa e total di punto di e muchanan di Noord na 8, loke ta empatia nan cu San Nicolas Jrs. E equipo di San Nicolas sin embargo tin un wega mas pa hunga ainda, cual lo tuma lugar diadomingo awor contra di Tropical. Si Tropical logra cobra revancha pa e derota sufri den prome round y gana di San Nicolas Jrs, anto Jong Aruba y San Nicolas Jrs a caba e temporada empatada den ultimo lugar y un wega decisivo mester worde hunga entre nan dos pa mira cual lo tin di baha bai pa clase A. Como cu e falta un wega ainda pa hunga San Nicolas Jrs tin un ventaha chikito actualmente ya cu un empate mes contra di Tropical ta basta pa nan skapa e bahamento pa un division menor. E campeonato corriente pues no unicamente pa e promer puesto tin su punto di sumo interes,

sino tambe pa e ultimo lugar. Den forma convincente Jong Aruba a supera Sportboys durante henter e partido.

Durante e prome mitad e keeper regular di Sportboys Shon Pe Geerman a worde pasa tres biaha prome cu ela worde cambia. Prome dos golnan di Jong Aruba a worde anota door di Bencho Franken y e tercer door di Frank Luidens. Na halftime e score tabata 3-0 pa Jong Aruba. E gol di salba honor di Sportboys a worde anota cinco minuut despues di e reanudacion. Un atake a resulta den un penalty cu a worde cobra door di Shon Pe Geerman, kende a pone e bala for di alcance di keeper Nel Frank. Continuamente Jong Arubatabata hiba e bala riba e gol di nan rivalnan poniendo hopi prestion. E defensa di Sportboys ta hanja man jen di trabao y e keeper tin di drenta cu frecuencia den accion. Ren Gomez ta percura pa gol numero cuater di Jong Aruba ora cu e ta lanta e bala pasa over di cabes di portero. Faltando 15 minuut pa e wega caba, un rapido combinacion di e delantero di Jong Aruba ta trece otro momento peligroso pa e gol di Sportboys. E biana aki ta Chi-

co Farro ta ricibi e bala net dilanti di gol pa schuif e pasa banda di e portero y asina aumenta e ventaha di su club te na cinco gol pa uno. Y cu e score grandi di 5-1 na favor di Jong Aruba, un score y victoria bon mereci, e partido a termina.

SOFTBALL FEMENINO NA LAGO SPORTPARK

ORANJESTAD - Awe nochi ta cuminsa na Lago Sport Park e torneo di softball femenino cu anualmente e directiva di e organizacion ey ta tene. Un total di cuater equipo lo competi e anja aki. Nan ta Red Stars, Hillman Vets, Dakota Stars y Zenith. E torneo ta habri awe nochi cu e partido entre Red Stars y Hillman Vets, mientras e segundo wega lo ta diadomingo entre Dakota Stars y Zenith. Un total di tres round e equiponan lo tin di hunga.

DAKOTA A SUSPENDI REUNION GENERAL.

(Di nos redactor deportivo)
ORANJESTAD - E reunion general di e club deportivo Dakota, cu originalmente tabata yama pa diadomingo dia 26 di februari a ser suspendi. Como fecha nobo pa e reunion a keda fiha diadomingo dia 5 di maart, esta un siman despues. E motivo di e cambio di e fecha ta cu diasabra anochi tin e importantisimo wega entre Dakota y Buball, cual partido lo sirbi pa dicidi e titulo di campeon entre e dos contendornan. Como cu den ki forma cu e wega caba lo tin un celebracion, directiva di Dakota a tuma e decision sabi di cambia e reunion general pa un siman mas laat.

CAMPONATO DI JUDO INTERCLUB

(Di nos redactor deportivo)
(Di nos redactor deportivo)
ORANJESTAD - Den Club Bonaire na San Nicolas ta wordu teni durante e weekend venidero encuentronan di judo interclub di senior. Esaki ta e campeonato anual cu directiva di Aruba Judo Bond ta organiza. Lo tuma parti na e campeonato teamnan di Marine, Pova, Kuseu Guchi Judo Club y San Nicolas Judo Club.

Diasabra dia 25 di februari pa 7'or di anochi lo worde teni encuentronan te na semifinale. E siguiente dia den e mes localidad e ultimo partidonan di e campeonato lo wordu teni cuminzando 10'or di mainta.

E club cu termina ganader lo sali dia 11 di maart pa Corsow huntu cu e team campeon di juniors cu ta Oranjestad Judo Center pa bai competi den e promer campeonato interclub di Antiyas Hulandes, cual campeonato ta wordu organiza pa e Nederlands Antillanese Judo Federatie.

E encuentronan na Corsow lo tin como huez principal e entrenador hapones Hisashi Kato, quinto dan. E delegado arubano lo ta ademá companja pa dr. Guda, kende lo actua como dokter di e delegacion. Tambe naturalmente lo bai president di e federacion antiyane Carlos Blisip.

TROPANAN ALIADO A MATA 746 VIETCONG DEN UN SOLO LUCHA

SAIGON--Paracaidistanan Vietnemes, apoyá pa aviación y artillería norteamericana, a rechaza diferente horda di soldánan Norvietnemes y den e combate aki a mata 746 den loque ta ser considerada como e batalla mas sangriento qu a tuma lugar e aña aki na Vietnam.

Segun un portavoz di gobierno a informa, e batallanan a cuminsa ora qu mas o menos mil soldá Norvietnemes, quendenan tabata huyendo pa e avance di e tropa di gobierno di Saigon, a dicidi di keda para y bringa contra e tropa di gobierno di Sur.

Noticianan precedente di e lugar di combate ta bisa qu nan a haña solamente 400 cadaver pero nan sa qu e comunistanan a hasi esfuersonan desespera pa bai cu e restonan mortal di nan compañeronan cu a muri riba e campo di batalla, promer qu e aliadonan yega serca y asina haña sa e cantidad exacto di mortonan.

Asina mes cu 400 morto confirmá, nan tabata sa resultado di e batalla di 12 ora qu a tuma lugar na 531 kilometer noordoost di Saigon.

Esaki ta e batalla den cual e comunistanan a hiba mas perdida qu cualquier otro e aña aki. Na mas o menos 60 kilometer mas na noord y solamente nueve na zuid di e gran base naval di Danang, un grupu di varios batallón di infante di marine ta avanzando entre e yerbanan haltu di e region y di repente nan a topa cu tropa norvietnemes, y den e combate qu a sigui, nan a mata 118 di nan. E encuentro aki a tuma lugar ayera.

Un di e corresponsalnan di United Press International a informa qu mas o menos 90 guerrillero

a ser rondona completamente door di e infantenan di marine. E ofensiva nobo, yamá "Stone" ta esun di siete qu tropa norteamericano ta lanzando. Tur e operacionnan aki tin como fin di expulsar e guerrilleronan y Norvietnemesnan di e zona costera. Di parti di China comunista a drenta e informacion qu nan ta considera qu solamente e retiro completo di e tropa norteamericano na Vietnam y no solamente suspension di e bombardeo contra Vietnam del Norte, por trese paz.

E corant "Diario del Pueblo" -- awe a acusa Merca di a usa un tactica di pistolero y chantaje puro y simple den su esfuersonan pa logra obliga Vietnam del Norte sinta na mesa di conferencia pa cuminsa cu negociacionnan di paz.

E corant ta puntra quisipor bisa qu suspension di e bombardeo norteamericano contra Vietnam del Norte ta en realidad e punto vital di e cuestion y nan mes ta contesta, "ciertamente no".

"Clave di e cuestion na Vietnam no ta si Merca bombardea Norte of laga, sino qu e tropa agresivo mericano mester worde retira for di Vietnam pa caba cu e agresion norteamericano pa asina permiti pueblo Vietnemes regla nan propio problema".



Infantenan di marina norteamericano ta basha unu tras di otro den e region banda di Duc Pho pa apoya trupanen Coreano cu a cai den un trampa di dos batallón di trupanen comunista. --UPI --Radiophoto do John Schneider.

CUATER OBRA MAESTRA A SER HORTA NA ZURICH

ZURICH--UPI--Cuater obranan maestra calcula pa un balor di 250.000 dollar denter di nan un cuadro di Peter Paul Rubens, a ser horta den oficina di un magnate cinematografico Suizo, segun poliznan a revela awe.

Autoridadnan ta di opinion cu e robo a ser perpetrado pa aficionadonan.

Ademas dje cuadro di Rubens, e "Decapacion de Siro", cual su balor ta ser calcula pa 233.000 dollar, e ladronnan a bai cu otro tres cuadro mas firma pa Jaco Jordanes, Honore Daumiere

y Ferdinand Holder, huntu cu un maquina di calcula.

E ultimo detalle aqui, dedica na e torpeza cu cual e cuadro nan a ser corta di su marcanan respectivo y e maltrato duna na e valioso mueblesnan dje despacho, ta haci poliznan comprende cu e autornan dje robo aqui no ta expertonan y menos ainda na altura di obranan di arte.

E piezanan aqui tabata dorna e oficina dje magnate, segun director di Switzerland Elite Film, Coi., Emil Stoler, quende no a ha-

ci muchu publico un aviso na New York cu e intencion di bende su cuadro.

E cuadro di Jordaens, "Cabeza de un Apostel", su balor ta 93.000 dollar, mientras cada un dje otro nan tin un balor di mas o menos 12.000 dollar.

E robo a tuma lugar ora cu e magnate tabata ausente i ora cu el a regresa di un baile, e cuadro nan a desaparce.

Desaparicion di Rubens ta eleva na seis e numero di cuadro nan obra dje maestro Flamenco cu a ser robá den ultimo tempunan. Tres a forma parti dje ochonan cu a desaparce na December den galeria Dulwich na Londres, otro a ser hortá na museo di Brussel y un otro mas den un coleccion privá na Australia.

UN PILOTO FRANCES A SALBA MILAGROSAMENTE

SHANNON -- UPI -- E piloto frances di un avioneta particular a bisa cu ta "milagrosamente" el a salba despues cu un dje motornan di su aparato a congela durante e vuelo transatlantico.

Pierre Dill, aviador Parisien de 40 anja di edad, a haci asina tantu senjlanan momentunan despues cu el a logra aterrizo den aeropuerto di Shannon cu e bimotor Beechcraft Super Queen cu e tabata pilotoa.

Bill a declara na periodistanan cu el a lanza un S.O.S. urgente ora cu un dje motornan a congela na un altura di 5.700 meter, casi 1.400 kilometer for di Shannon y e avioneta a cuminsa ta perde altura.

El a manda un mensahe bisando cu e mester a baha na laman, asina el a splica. Poco despues Real Fuerza Britanica a despacha na e luga aqui un avion di rescate.

Contra loke nan a bisa na principio, e avioneta Beechcraft no tabata bula meimei di un tormento ora cu el a hanje den e perancia menciona.

"Sin embargo tabatin masha hopi mist", e piloto frances a bisa. "Apesar di esel, mi tabata sinti cu casi mi tabata rozando olanan ora cu e "milagro" a socede. Presisamente e ora cu ya mi mes a quere cu lo m' a cai den laman, e motor congela a bolbe cuminsa funciona", asina e piloto frances a splica.

JOHNSON NO TA MIRA CAMBIO AINDA DEN ASUNTU DI PAZ

WASHINGTON -- UPI -- Fuente nan di confianza ta indica cu President Johnson no ta mira ningun cambio den perspectivanan di paz pa sudeste di Asia despues dje conferencia di prensa cu el a duna riba dia 2 di Februari den cual el a bisa cu e no tabata mira di parti di Hanoi ningun pasonan cu tabata encaminando pa termina e conflicto belico.

Den e mes fuentenan aqui nan a informa cu desde e dia ei e presidente no a adverti ningun cambio tampoco den e posicion di Vietnam del Norte, mientras cu e posicion Estadounidense, favorable na paz, no a varia lo minimo.

Ademas e fuentenan di informacion aqui ta bisa tambe, cu e presidente no ke discuti publica-

mente e subsidionan dje oficina central di inteligencia na gruponan estudiantil, por lo menos si nan no completa un estudio na alto nivel, dirigi pa subsecretario di estado Nicholas Katzenbach.

Di otro banda e president ta calcula cu Union Sovietico quier a mira di bon grado un fin na e guerra na Vietnam, pero cu combersacionnan dje prome ministro Ruso Alexei Kosygin qu su colega Britanico Harold Wilson no tabatin ningun sorto di resultado.

MOSCU--UPI--E embahador Chileno Maximo Pacheco a declara awe qu e ta "sumamente impresioná" despues di su viahe pa e "refrigerador di mundu", qu ta e territorio Siberiano Yakutia.

Pacheco y su yiu a pasa 15 dia den e region y a viaha 17.000 kilometer den avion, auto y carro sanan qu tabata ser halá pa cabai y vos.

"E riqueza di Yakutia, su nivel cultural haltu, e bon condicionnan di bida y e cordialidad di pueblo den e terra rudo aki, a impresona nos profundamente", asina e diplomatico a comenta.

Pacheco a informa qu el a bisita laboratorionan científico, centronan di investigacion, un universidad, schoolnan, fabricanan, minanan di oro, y varios pueblo y aldea.

Durante supermanencia e temperatura tabata varia entre 45 pa 60 grado.....

UN PROFESOR SENTENCIA

SALISBURY--UPI--Ayera un profesor di historia a ser sentencia pa 20 anja di prison cu trabaoen forza, acusá di a participa den un conspiracion antigubernamental den universidad pa comete atentado y sabotagenan.

E catedrático John Andrew Contradie di 29 anja di edad, a admiti seis dje acusacionnan.

Segun certificado medico presenta pa su defensor, no obstante, e acusado ta sufrir di curazon y nan ta kere cu solamente ta resté ainda 10 te 20 anja di bida.

E seis acusacionnan cu tabatin contra dje ta inclui, tentativa di asesinato, danjo doloso na propiedad di otro, tendencia di armanan ofensiva y tentativa di lesionnan.

UN TRAGICO ACCIDENTE AEREO

TEGUCICALPA--UPI--Por lo menos seis persona a muri ayera ora cu un avion DC 6 a pega na candela ora cu e tabata aterrizo na Toncontin mientras el a hanja un defecto na su motor y a sali foi pista.

Den e aparato cu tabata alquila pa American Airlines pa servicio aereo di Honduras, tabata de viaje, cu ministro di gubernacion Virgilio Urmeneta Ramirez, quende a resulta cu heridanan leve y un total di 43 pasajero.

Nan ta quere cu e seis desaparecidonan a queda den ruina dje avion, cu a sigui quima den su vlamnan te dos ora despues dje accidente.

E autoridadnan a ordena pa cerca e aeropuerto.

INQUIETUD OBRERA NA MADRID.

MADRID -- UPI -- Mientras cu e inquietud obrera a reduci den e region minera tras dje pausa marca den universidadnan, pa e periodo di examennan, fuentenan yega cu gobierno a acusa indirectamente Servicio Central di Inteligencia di Estados Unidos (CIA) dje agitacion demostra na Spanja durante e ultimo simannan.

Diesun dje trahadornan cu a hui castiga di ley pasobra nan a organiza un welga ilegal den un mina di Hulla, Aeturias, nan a sconde den fondo di un pos carbonicero for di Dia Sabra pasa, nengando di bini na superficie trobe.

E gesto aki tabatin pa consecuencia cu 750 otro companjeronan dje li-nan aqui tambe a pone trabao abao como gesto di solidaridad pa e caso di nan vecino.

PERISCOPIO MUNDIAL

Robo di documentonan na China

HONG KONG --Informacionnan procedente di China Comunista ta indica qu e enemiguan di Mao Tse Tung a apodera di documentonan oficial y secreto posiblemente a fin di usa nan den nan lucha contra e anciano presidente di Partido comunista.

Segun e corresponsalnan Japonés na Pekin, e corantnan pega contra murayanan di capital di China ta adverti e enemiguan di Mao qu ehercito y polis secreto lo ser mobilisa si e robo di documentonan oficial sigui.

Combinacion comunista a gana eleccion den por lo menos un estado na India

NUEVA DELHI -- Un frente popular, encabezado pa comunistanan, awe a logra un victoria amplio riba e Partido di Congreso di promer minister Indira Gandhi den e estado Kerala, qu ta e promer region di unda nan a haña e resultadonan concreto di e eleccion qu ta tumando lugar na India.

Avion Beechcraft a dal den serru

RIO DE JANEIRO -- UPI -- Tur e siete pasaheronan di un avion Beechcraft di Forza Aerea a muri ora qu e avion a dal contra e serru Trombudo. Entre e victimanan tin Joao Francisco Moreira Couto, comandante di e di eincu distrito militar.

E avion tabata lantando ora qu el a dal den e serru.

Avion di Marina a cai riba un cas

VIRGINIA BEACH, Virginia -- Un avion jet di Marina Norteamericana, qu ta pertenece na un portaavion, a dal contra un cas banda di e ciudad aki y su piloto a sufri heridan di gravedad.

E portaavion na cual e avion ta pertenece ta Franklin D. Roosevelt qu a caba di regresa for di Vietnam.

China Comunista a adverti Rusia

HONG KONG -- China Comunista a adverti Rusia qu cualquier intento pa comete actonan di sabotaje entre e frontera Chino-Soviético, lo ser aplasta door di ehercito Chines. Un transmision di Radio Pekin tambe a hasi un yamamentu riba e campesinonan den e region ei pa nan cana cu un scopet den un man y un palu den e otro man pa apoya e revolucion cultural di Mao Tse Tung.

2500 Comunista a ser mata siman pasa

SAIGON -- Casi 2500 comunista a ser mata door di tropanan aliado siman pasa durante e luchanan fuerte qu tabatin na Sur Vietnam. Infantenan di Marina a rondona un batallon di soldanan enemigu banda di e base Da Nang y a mata como 241 di nan. Aparte di esaki, nan a eoge 65 vietcong preso y 350 quendenan ta ser sospecha di ta Viet Cong.

Di 425 advertencia di China pa Merca

TOKIO -- Un supuesto ataque aereo a provoca e di 425 "advertencia serio" di China Comunista contra avionnan militar mericano.

Despues di e ultimo incidente, Radio Pekin, a acusa Merca qu dos avion militar a ataca y dañá dos boto pesquera, matando un piscador y heridando tres otro.

Reunion di militarnan contra Sukarno

DJAKARTA -- E comandantenan di forzanan arma di Indonesia ayea a tene un reunion estrategico pa dicidi suerte di presidente Soekarno y nan a haña compania inespera di presidente di congreso, general Abdul Haris Nasution.

E reunion a tuma lugar despues qu Radio Djakarta a anuncia qu nan lo hiba Sukarno den corte pa enhuiciele acusa di desviacionnan moral y economico durante e tempu qu e ta na poder.

Chicago Tribune a apela contra decision di corte di Illinois

PEORIA, ILLINOIS -- E corant Chicago Tribune a apela serca Corte Supremo di Illinois pa protesta contra algun di e medidan di restriccion qu huanan a impone den e hucio contra e asesino Richard Speck.

Actualmente Corte Supremo ta den receso y lo no reuni te dia 23 di maart proximo, pero nan por reuni pa tuma un decision si un situacion di emergencia presenta.

NUEVA YORK--UPI--Mama dje actor cinematografico Mel Ferrer, actual dirigente di institucionnan de eficiencia catolica y di organizacionnan Neoyorquino siman a muri ayera noch den hospital Presbiteriano di universidad Columbia na edad di 89 anja.

E defensor aqui a yega di ricibi e alta honcion di Papa Pio XII di "Ecclesia et Pontifice" pa su trabao den beneficencia.

E defensor tabatin cuater yu: Doctora Irene Ferrer, Doctor Jose M. Ferrer Jr, e actor Mel Ferrer y Jerry Ferrer, ademas 10 nieto y carlos bisanieto.

HANIBAL, MISSOURI--UPI-- E hoben Mildred Irene Jones, quende tabatin 14 aña di edad, a mata curpa antayera noch, aparentemente desgustá pasobra su mama a critica manera qu e tabata trahando un bolo,

E mania--qu ta viuda--a declara qu despues di un discusion den cushina riba e bolo, e mucha muher a corre bai cerra su mes den su cuarto, y un minuut despues nan a tende un tiru.

E dokter Clyde Wilkey a declara despues qu e mucha mester a muri mesora a consecuencia di un herida den su cabes, qu el a causa pa un disparo di pistool,

ami?



...ami ta gusta!!

Palm Beach



PALM BEACH ... e sigaria cu su filtro blanco... suavemente mentolisa, i cu un sabor agradable, cu ta dunabo un sensacion di frescura den cada humada. PALM BEACH KING SIZE un sigaria distinguido... un sigaria di calidad

FABRICA PA

ANTILLIAANSE SIGARETTENFABRIEK, N.V.


RAVELD ADVERTISING



A primera vista un hende no ta realisa con tragico e foto aki ta pero pegá bao di e ruinan di un apartamento, e mucha muher Berenice Naranhao di 19 aña di edad, ta mirando su morto acercando. Na momento qu nan a saca e foto aki e mucha muher tabata sufriendo ainda mientras qu dokternan tabata tenele na bida cu remedi, plasma di sanger y oxigeno pa permiti bomberonan liberele. Ora qu nan a saquele, el a muri despues di mei ora den hospital. El a keda pegá bao di e ruinan ora qu awaserru a los un barranca grandi qu a cai riba e cas caminda e ta biba. - UPI Radiophoto.-



**Tabaco...
FINO!
Humada...
PURO!**



**CASINO
CHARCOAL FILTER**

RIP KIRBY

pa cortesia di

JAN BODEGOM & CO (ARUBA N.V.)

Agente exclusivo

FRIESCHE VLAG

lechl evapora y lechl en polvo.

MAXWELL HOUSE KOFFIE



NO ES NECESARIO AHORA, PERO TAL VEZ SEA USTED UNA PEGUE-RA INVERSIONISTA Y LE INTERESAN INFORMES DEL MERCADO...

ARMITA-GE, OLVI-DESE DE TODO ESO.



UNA DE MIS FIRMAS VA A COMPRAR OTRA DENTRO DE POCOS DIAS... MANTENGA ESTO EN SECRETO.



LAS ACCIONES DE ESA COMPAÑIA HAN DE SUBIR MUCHO DE VALOR. COMPRE ALGUNAS Y RECUPERARA CON CRECES LO QUE PERDIO EN AQUEL JUEGO.

Derechos Reservados.

DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFFALO ROCK--GINGER, A.E.



DO YOU SEE WHAT I SEE, BRIBERY?

YES, UGLY CHRISTINE, A FIRE.



I'LL SAY IT'S A FIRE!

RIGHT WHERE OUR SPACE COUPE IS PARKED.



OH, IT'S A BRUSH FIRE IN THE VALLEY ON THE OTHER SIDE OF THE MOUNTAIN. IT'LL STOP AT THE ROCK CLIFFS.



CHANCES ARE IT'LL BE OUT EVEN BEFORE WE GET UP THERE," SAYS BRIBERY.

PEPITA



¿QUE CUENTO POLICIACO TAN INTERESANTE? LORENZO! TE GUSTARA LEERLO.



YO CREIA QUE EL MAYORDOMO ERA EL CULPABLE...



... PERO RESULTO SER UNA DE LAS SIRVIENTAS.

PUES YA NO QUIERO LEERLO.



MALAGRADECIDO, TUVE QUE LEER 324 PAGINAS PARA PODER AVERIGUARLO.

"AMOR DI UN DOKTER JOVEN"

Y ademas mi no tin tanto bon tipo manera Jeff, pa e muhernan corre mi tras", e ta bisa hariendo. Mi ta spera pa Jeff no bira un Don Juan, Pasobra mayoria di eseynan no ta resulta un bon dokter.

"Pero el a hanja masha bon anotacion riba su rapport, y esey ta nifica cu e tin talento pa bira un bon dokter." Dr. John ta keda mira Rosa cu atencion. E ta sonrei cu ne y despues e ta bisa; "Manera custumber bo mester defende, sino bo no ta sinti-bo bon. Scuchami un rat Rosa, bo ta un bunita mucha nuher. Y bo ta inteligente tambe, lo bo resulta un bon esposa. Y si bo ta stima Jeff asina tanto manera bo ta bisa, pakiko bo no ta buske?" Hariendo Rosa ta sagudi su cabes. "Bo kier pa nos danja nos amistad tambe? Si e posibilidad cu Jeff por a corespondemi tabata tey, lo e mester a ripara caba."

"Pa Jeff semper lo mi keda

su amiga di infancia, cu tabata resolve tur su problemanan". "Pero durante su ausencia bo bira un senjorita grandi awor." "Ademas, tur anja el a bin cu vacante. Pero tur ora e ta hinca den Hulze Hill, cu ta manera un segundo cas pe, y sin embargo ningun biaha el a pidi mi pa sali cu ne. "Coy loco", Dr. John ta bisa. "Bo sa bay corre cabay, landa y hunga tennis cu ne, y ta tur ora e ta serca bo." "Si, pero na e mesun manera cu e ta trata su ruman muhe, nunca el a pidimi pa bay baila cu ne, of algo asina. Na lugar di esey eta puntrami: "Rosa ken mi por invita pa sali awenochi?" "E ora bo mester conteste, loke cualkier otro mucha muher lo haci na bo lugar; "Pakiko bo no ta bay cu mi mes? Bo no tin brio, Rosa? Mi kier pa bo keda akinan. Mi conoce bo hopi bon, pa sa cu bo lo bira infeliz sin hospital Voorland. Y mi tin un presentimiento cu loke bo ta sinti

pa Jeff, ta algo pasobra, cu lo pasa despues cu bo topa cu e verdadero amor di bo bida. Pakiko bo no ta laga destino regla tur cos? Ningun hende sa loke futuro tin pe." Pensativo Rosa ta contesta: "Dia cu Jeff a hanja tende cu mi kier a bira enfermera, e la hera bula pasa den e plafond. El a bisa cu esey ta un trabao mucho pisa y exigente. Tambe cu mi chens pa hanja un mucha hombre lo bira hopi menos. Mi a cuminsa hanja poco speranza, pero e preocupacion cu e tabatin pa mi, ta e mesun cu e por tin pa su ruman muhe. Nos a cuminsa pleita y el a tira tur e culpa riba bo, pasobra abo tabata culpabel di mi decision. Y mi no ta kere, cu su moda di pensa a cambia tambe awor."

"Pero pronto e mester admitti cu bo a bira e mihor enfermera actualmente. Mi tin gana panos tin mas enfermera manera bo. Jeff mester tuma otro medida

cu su trabao y traha mas serio, si e kier sigui traha bou mi."

"Basta bo no cuminsa predika cu ne, asina e jega.", Rosa ta avisé. "Jeff ta un hende masha terco. Y bo no por spera di dje, cu e ta mes conservador cu bo. Ademas..." Rosa no ta sigui papia. E dokter bjeew su wovonan ta brilla ora e bisa: "Ademas, ya mi tin casi sesenta anja..." "Berdad cu ta asina, pero, cu tur e edad ey, toch bo patientnan ta cargabo den nan planta di man, tur di nan, hasta e muchanan. Pero bo no tin e atraccion cu Jeff si tin, y cu ta pone cantidad di muhe corre su tras.

Tur e dokternan hoben y atractivo mester hanja nan den problema ey...y claro cu Jeff tambe." Dr. John Chand ta sonrei.

"Ay si, criticami numa. Manera pa bo, nunca Jeff por haci algo malo. Sin bo stimacion y devocion, Jeff lo no a jega ni na mitar caminda di unda e ta awor.

"Kizas e mes no sa." Toch mi no kier pa ningun hende bisé tampoco." Rosa ta bisa terco. Mi sa su foutnan..., pero bo mester dune tempo. Mi ta sigur, cu cualkier dia lo bo keda masha orgulloso di bo sobriño."

"Wei, for di awor caba mi por bisa cu mi ta sintimi orgulloso di dje", Dr. John ta bisa. "Mi ta orgulloso di dje, pasobra el a keda

BOTICA
Oranjestad: Botica Aruba Tel: 1080-1081
San Nicolas: Lotica San Lucas Tel: 5119

PELICULA
De Veer: 2.00 p.m. "The Evil of Frankenstein" 14 j.
8.30 p.m. "Nothing but the best" 18 j.
Rialto: 8.00 p.m. "Springfield Rifle" All.
Principal: 8.00 p.m. "HELP" All.
Aurora: 8.00 p.m. "The Wild Wild Planet" 14 j.
Savaneta: 8.00 p.m. "The Battle of the Villa Florida 18 j.

PROGRAMA DI TELEARUBA.

5.30 Secret Storm
6.00 Cartoons
6.30 Whirlybirds
6.40 Public Service
6.45 Prot. Church
7.00 International news in Papiamentu
7.30 Strand Hotel/Publ. Service
7.45 Sportsnews in Papiamentu
8.15 Esperanza Twilight Zone
8.45 Hogan's heroes
9.00 International & Local news in English
9.30 I Spy
10.05 International news in Dutch
10.30 Defenders

SINGAPUR --UPI -- E minister di Relacionnan Exterior di Indonesia, Adam Malik, a declara cu presidente Sukarno "lo ser enhuicia" na interes di husticia, segun Radio Yakarta.

Radio Yakarta a bisa cu Malik a declara cu Sukarno lo ser acusa di complicidad na e golpi di estado fracasá di dos anja pasa y cu no tin posibilidad di yudele, pasobra "pueblo sa cu el a comete irregularidadnan tantu en lo economico, moral y otro aspectonan."

Informacionnan di Yakarta ta indica cu Malik, a confirma qu Sukarno a rechaza e orden pa e desaparece elegantemente di e panorama politico, tumando su renuncia. Nan a agrega qu e canceller a bisa qu general Suharto a proponele pa hasi esaki, pero qu Sukaro a contesta cu un otro oferta: esun pa Suharto goberna como promer minister cu Sukarno den presidencia.

E declaracion radial di cu Sukarno lo ser somete na hulcioleta e promer anuncio oficial riba e asunto aki.

riba su punto, maske cu mi no ta sigur cu el a hacie pa su deseo. Pero segun mi Rosa, bo por hanja cuantun mucha hombre, cu bo kier, pasobra e cualidadnan cu bo ta posee, por permitibo esey. Pesey mihor bo no papia mas cu bo tin gana di bay.

"Mi ta bay pensami bon. Y awor mi no ta kita mas tempo di bo. Rosa ta lanta para y e ta sali bay, y Dr. John ta bisa ainda: "Un otro cos Rosa, bo a pensa caba di busca un huur pa e cas grandí y rondia un lugar poco mas chikitu serca di hospital aki, pa bo biba?"

MOSCU--UPI--Agregadonan militar Norteamericano a retira un conferencia di prensa ayera ora cu un general sovietico a censura e guerra di Vietnam como criminal y barbara.

E tres oficialnan mericano tabata sintá meimei dje sala i nan a bandona esaki silenciosamente durante e discursos di general Pavel Kurochkin, director dje academia militar di Frunze. Otro oficialnan sovietico cu a mira esquinan bai, a limita nan na sonrei ironicamente.

E norteamericano a ser identifica como e agregado aereo Coronel Melvin Nielse; e naval, capitán de Corbeta Robert B. Bathurst y e militar teniente Coronel Peter L. Thorsen.